

重刊道藏輯要

角集五

元始无量度人上品妙經卷之二十一

生化胎根斷除邪穢品

道言昔於始青天中紫霄空歌太極玄土受元始度人生化胎根斷除邪穢无量上品元始天尊當說是經周回十過以召十方始當詣座天真大神上聖高尊妙行真人無鞅數眾乘空而來絳烟捧塗華晶耀輦丹碧浮駕洞光羽輪五明錦色蓋映霞芳九氣合彩洞煥太空七日七夜諸天樓閣遙開玉臺隱顯星珠絡緯日景自停神陰舒輝金波泛滉璇璣玉衡還幹靈和注浹空海神風回混翠峯蟠偃天無浮翳四氣明清一國地土山道藏輯要

度人妙經

一

角集五

川林木緬平一等無復高下土皆作碧玉無有異色眾真侍座元始天尊玄坐空浮七宸九華明离寶座之上說經一遍諸天大聖同時稱善是時一國男女妙氣凝胎生根超秀說經二遍邪穢斷除結節通解說經三遍神棲空洞梵氣冥涵說經四遍骨有玉華顏揚金色說經五遍七世散仇福堂慶會說經六遍紫烟灌身百神愷樂說經七遍雄雌混化三一昇遊說經八遍神光內映徹見百關說經九遍心悟洞靈證真帝臺說經十遍策名玉清侍宸金闕是時一國是男是女莫不傾心皆受護度咸得長生

道言是時元始天尊說經一遍東方无量品青帝梁虛生

化胎至真大神無鞅之眾浮空而至說經二遍南方无極无量
品赤帝仲明賓除穢至真大神無鞅之眾浮空而至說經三遍
西方无極无量品白帝胡成豫化胎至真大神無鞅之眾浮空
而至說經四遍北方无極无量品黑帝元道冥除穢至真大神
無鞅之眾浮空而至說經五遍東北无極无量品八景明微君
化胎至真大神無鞅之眾浮空而至說經六遍東南无極无量
品八景玄靈君除穢至真大神無鞅之眾浮空而至說經七遍
西南无極无量品八景真華君化胎至真大神無鞅之眾浮空
而至說經八遍西北无極无量品八景靈暉君除穢至真大神
無鞅之眾浮空而至說經九遍上方无極无量品八景吟穴君

道藏輯要

度人妙經

二

角集五

×××

化胎至真大神無鞅之眾浮空而至說經十遍下方无極无量
品八景祕形君除穢至真大神無鞅之眾浮空而至十遍周竟
十方无極天真大神一時同至一國男女傾心歸仰來者各相
謂言元始天尊在始青天中演說生化胎根斷除邪穢之法我
等自入流轉不出生死貪嗔愚癡墮在諸有雖福業因緣得生
天上而諸天人愛迷執戀纔捨塵染尙居細塵習氣不除動罹
結滯感化胎元不得淨盡生根堅固著於不滅以住爲本不知
道體玄妙包養太空九聖十真本無生滅胎根未斷致此撓競
互相變化遞爲種族屍血流行骨壞形朽我雖天人未出三界
形未獨化與道相隔縱使化身猶在色境故於相視接手語言

音聲不契大洞使三尸蕩流穢血生寂邪魔乘襲背違真道今
當傾聞法音巾繞天座億劫之眾一時同會非可禁止於是元
始垂衣正視命黃素元君執方規之鑑天地真形支勢成字白
素元君擊洞陽之鐘十方合響萬天交唱紫素元君垂浩景之
珠大如黍米在空玄之中去地九丈元始登引天真大神上聖
高尊妙行真人十方先極至真大神無鞅數眾俱入寶珠之中
天人仰看惟見勃勃從珠口中入既入珠口不知所在國人廓
散天光輝映萬氣肅清元始卽於寶珠之內說經都竟眾真監
度以授於我當此之時喜慶難言法事粗悉諸天復位倏歛之
間寂無遺響是時天人遇值經法普得濟度解散結節斷絕邪
道藏輯要

度人妙經

三

角集五

源傾土歸仰咸行至心忘累忘有忘化忘得忘念忘情忘識忘
動忘息忘形言無理宗口無欲聲齊同慈愛異骨成親國安民
豐欣樂太平經始出教一國以道預有至心宗奉禮敬皆得度
世

道言元始天尊說經中所言並是諸天上帝內名隱韻之音亦
是魔王內諱百靈之隱名也非世之常辭皆生化道胎清鍊胞
根斷除邪氣斬滅血屍修真洞極之要言上聖已成真人通玄
究微能悉其章誦之十過諸天遙唱萬帝設禮河海靜默山嶽
藏雲日月停景璇璣不行羣魔束形鬼精滅爽回屍起死白骨
成人至學之士誦之十過則胎根生化無有世緣邪穢凋落百

神合形五帝侍衛三界稽首魔精喪眼鬼祆滅爽濟度垂死絕
而得生所以爾者學士邪穢漸消心未洞玄以制十方威未制
天政德可伏御地祇束縛魔靈但得度身而已不能普濟萬生
輕誦此章身則被殃供養尊禮門戶興隆世世昌熾與善因緣
萬災不干神明護門斯經尊妙獨步玉京度人無量爲萬道之
宗巍巍大範德難可勝

道言凡誦是經十過諸天齊到玄上丈人爲兆解稟胎已來宿
血痼穢赤黑大滯西明君爲兆解胞中積水腥汚屍鬼漬溺泉
曲寒池之釁訟在水官考注不止連及生人生死之根災禍萌
孽不得興作使胎根生化玉液仙英妙姿自然得道七魄遊逸

道藏輯要

度人妙經

四

角集五

×レ×

魔彭伺姦外構邪鬼淫犯胎宮夜夢燕樂與鬼同營太上玉帝
以紫光九靈寶札詣南宮韓君丈人天機省中監簿按籍檢考
善功生化胎根斷除邪穢億曾萬祖幽魂苦爽皆卽受度上昇
朱宮格皆九年受化更生得爲貴人而好學至經功滿德就皆
得神仙飛昇金闕遊宴玉京也上學之士修誦是經皆卽受度
飛昇南宮世人受誦胎根惡濁鍊化故氣尋得斷滅生化仙真
邪魂穢魄淘澤清淨則延壽長年後皆得作屍解之道魂神暫
滅不經地獄卽得返形遊行太空此經微妙普度無窮一切天
人莫不受慶無量之福生死蒙惠上天所寶不傳下世至士齋
金寶效心盟天而傳輕泄漏慢殃及九祖長役鬼官侍經五帝

玉童玉女各二十四人營衛神文保護受經者身

道言正月長齋誦詠是經上部九宮青帝羅文英執青宮之符
開兆白關解散結節第一內懽紫煙灌身神光洞照羽輝映玄
爲上世亡魂斷地逮役度上南宮天機省也七月長齋誦詠是
經中部九宮白帝寓文昇執素靈之符爲兆生化胎根使斷凡
因流轉停關邪正速分穢垢清蕩日霞瑩形太素生五臟七雲
入泥丸身得神仙諸天書名黃籙白簡削死上生十月長齋誦
詠是經下部九宮黑帝鄭文通執黑帝之符入兆膀胱中使胞
胎屍滅百穢遏絕邪魔祇爽然骨漚血兆體有五帝之王暉面
有流金之皓姿常與太一公寢魁抱明月爲國主帝主君臣父

道藏輯要

度人妙經

五

角集五

子安鎮國祚保天長存世世不絕常爲人君安鎮其方民稱太
平八節之日誦詠是經得爲九宮真人三元三宮二十七真雄
一无英雌一白元五宮奇耦交變又玄生化胎根掃誅邪源孕
精流光玉嬰生蓮帝一坐壇萬靈莫先本命之日誦詠是經十
二大結三百六十骨節八關九宮神蓋童子中池內神感鍊變
易生化胎根斷除邪穢使身不傾魂神澄正萬惡長存不經苦
惱身有光明三界侍衛五帝司迎萬神朝禮名書上天功滿德
就飛昇上清

道言行道之日皆當香湯沐浴齋戒入室東向叩齒三十二
通上聞三十二天心拜三十二過閉目靜思身坐青黃白三

色雲氣之中內外翳冥有青龍白虎朱雀玄武獅子白鶴羅
列左右日月照明洞煥室內三部八景二十四真環衛嚴肅
項生圓象光映十方如此分明密咒曰

无上玄元太上道君召出臣身中三五功曹左右官使者侍香
玉童傳言玉女五帝直符直日香官各三十二人關啟所言今
日吉慶長齋清堂修行至經无量度人願所啟上徹徑御
无上三十二天元始上帝至尊几前

畢

引炁三十二過東向誦經

道藏輯要

度人妙經

六

角集五

正一天師清微第一

道教學術資訊網

元始無量度人上品妙經

元始洞玄靈寶本章生化胎根斷除穢氣十回度人百神定命
離合自然雌一變魄雄一化魂混沌變化中有帝尊呼陽召陰
鍊精玉胞升降明堂輝映景霄內結流珠融媾萬方紫霞素雲
玉嬰金光絳闕神池宛轉冷風下有北都萬鬼之營青靈白姑
蝕兆胎靈赤黑二魔賊命之基帝君符告勅斬血屍洗淨胎穢
與氣交并鼓治真元運化太冥上宮圓虛洞房玄丹明童持火
焚燼邪根嬌女聞簫辟非和烟帝真胞命策名上玄靈府散朗
位登高宸鬱羅蕭臺玉山上京上極無上大羅玉清眇眇矧倪
若亡若存下備一身主制七關三部八景森列萬神三華離便
道藏輯要

度人妙經

七

角集五
人々人

大有妙庭金闕玉房玄輝耀靈大布正炁周回十方中有生化
胎根之神中有斷除邪穢之君中有混合白神之君中有解結
散節之神中有變胎易胞之神中有南極長生帝君中有東極
青華帝君中有天機韓君丈人中有南上司命司錄延壽益算
度厄尊神回骸起死无量度人今日校錄諸天臨軒
東方无極飛天定生神王長生大聖无量度人
南方无極飛天感化神王長生大聖无量度人
西方无極飛天變胎神王長生大聖无量度人
北方无極飛天斷根神王長生大聖无量度人
東北无極飛天易胞神王長生大聖无量度人

東南无極飛天解結神王長生大聖无量度人
西南无極飛天散節神王長生大聖无量度人
西北无極飛天極真神王長生大聖无量度人
上方无極飛天去邪神王長生大聖无量度人
下方无極飛天除穢神王長生大聖无量度人

十方至真飛天神王長生度世无量大神並乘翠霞三景瑤輦
素雲十華丹輿羽蓋瓊輪驂駕朱鳳五色玄龍建九道招神之
節七絕霜羅之旛前囁九鳳齊唱後吹八鸞同鳴靈真導前吟
詠洞章羣仙景從嘯歌噫噫億乘萬騎浮空而來傾光回駕感
化定生天機丞相南昌上宮韓司主錄監生大神爲兆胎根生

道藏輯要

度人妙經

八

角集五
XXI

化玄靈胞門紫房中有大神叩玉鳴鐘擲火流鈴滌盡氛穢去
血屍彭結節赤黑二十四關布兆生氣除卻邪紛執籙把籍齊
到帝前隨所應度嚴校諸天普告三界无極神鄉泉曲之府北
都羅酆三官九府十二河源上解祖考億劫種親疾除罪簿落
滅惡根不得拘留逼合鬼羣元始符命時刻升遷胎根生化返
塵歸真斷邪除穢招鎮百神七祖散仇五帝監盟北都寒池變
化形營鍊骨成仙出入无門制魔保舉度品南宮死魂受符仙
化成人生身受度劫劫長存隨劫流轉與天齊年永度三塗五
苦八難超凌三界逍遙上清上清之天天帝奎零無色之境梵
行

東方八天

至真堂回天

帝輝離无生

虛洞普搖天

帝賀真彌倪

遠師崇濟天

帝淵虛子銀

皓景環宗天

帝栢雲孳光

略無燕神天

帝俎司越章

牛嶠兆壺天

帝直盧奚敦

妙宮蔽无天

帝亮辨由都

顧靈定度天

帝康化治衍

南方八天

道藏輯要

度人妙經

九

角集五

喬繁麗空天

帝變无元昌

持命典仙天

帝覺玄覽常

元師究田天

帝寂度孟斗

霸澤回華天

帝理名正騫

太素夷微天

帝廓益遼真

序乾標谷天

帝羊輅國賓

道表臻祥天

帝麓錫來

冥轉運邦天

帝慶祖辭仁

西方八天

龍玄胎神天

帝車梁賜蒂

邱定漾炁天

帝頤窮景沖

昭力支羅天

帝九用茲瀛

孝至岡虞天

帝極根環元

洞化寶陽天

帝玉沐自檀

靈緒混甘天

帝產珠凝方

救牢拔塗天

帝蔽山都真

流曜絳章天

帝晉關肇宣

北方八天

耿易火帝天

帝強完明華

意寶聚真天

帝百憇陰成

道藏輯要

度人妙經

十

角集五

既本歷孚天

帝知玄得容

河陣肆師天

帝穀原彥昇

鑄精育神天

帝交鈴紫肆

胞命元化淨光天

帝秀隆幽虛

芒炁欲度天

帝並炁壺完

觀竺吉猷天

帝正玦寂仙

三十二天三十二帝諸天隱諱諸天隱名天中空洞自然靈章
諸天隱韻洞真之音洞无之尊洞觀之神攝制大魔變化神靈
臭肺吞賊與天同生飲血搖精潛伏胎根使命天闕仙道不成
屍鬼改易飛身泥丸隱藏胞蒂陰構外邪入登玄牕薰亂宸霞

上帝斬摧神燕玉堂九和十合變化空常无量之奧深不可詳
敷落神眞普度天人今日欣慶受度歷關諸天解散結節斷絕
胞根飛度五戶名列太玄魔王監舉無拘天門東斗延生西斗
鍊胞北斗除穢南斗化胎中斗混洞一合生神青帝徇風白帝
命靈赤帝保根黑帝澡形黃帝守中胎穢不生青天魔王鬱珠
洞羅赤天魔王炎光滅精白天魔王斷胞交眞黑天魔王伐邪
命神黃天魔王洞觀太英五帝大魔萬神之宗飛行三界總攝
眞胎揮邪命靈七關廓開流布妙化上變九回穢滯既蕩骨肉
同飛天眞承命召致福祥眞功內充神威外張凶祇殞息邪精
伏藏浩淼纏結三丹玉房共輔帝化卻滅凶衰六天大醜豁落
道藏輯要 度人妙經 土 角集五
誅摧金光散景玉道交馳拔度七祖擯絕百非三官黑書永落
禍基不得容隱明正元機普告無窮萬神總歸遊宴玉闕列言
太微

空洞九玄玉帝玄靈招霞散景含虛紫烟降神玉妃舞華胎仙
道本生化靈根無垠高極太无上列諸天天上天下无幽无冥
无形无影无極无窮溟滓大梵寥廓无光赤明開圖運度自然
元始安鎮敷落五篇赤書玉字八威龍文保制劫運使天長存
梵炁彌羅萬範開張元綱流演三十二天下逮一體混化五神
眞命應仙立紀彌綸九府六卿列坐蓮胎玄一洞魂踞斗跨魁
左扶火王右奠伯嬰掃穢除邪玉靈四開位證金宸制到萬靈

輪轉无色周同十方乘騰飛步幹運七元驅除邪穢澄廓旋羅
充溢七門灌養青芽二十四圖總攝眞方八景冥合升降混黃
中有玄一上帝高眞泛景太霞嘯咏洞章金眞朗郁流響雲營
玉音攝氣靈風聚烟紫虛鬱秀輔翼萬仙千和萬合自然成眞
眞中有神長生大君紫戶青房流鈴大神坐鎮明堂守護玄眞
執符把籙生化胎根斷除邪穢出入九宮八景之內細微之中
蕩淨胃池通理百關速召萬神混合泥丸十轉回靈與氣齊仙
仙道貴生无量度人上開八門飛天法輪罪福禁戒宿命因緣
普受開度死魂生身身得受生上聞諸天諸天之上各有生門
中有空洞謠歌之章魔王靈篇辭參高眞

道藏輯要

度人妙經

三

角集五

第一欲界飛空之音

人道眇眇

仙道莽莽

鬼潛胎根

當人生門

使爾愚凡

不樂仙眞

虛宮襲邪

穢腐來攻

高上清靈爽

洞微同太虛

生化寶胎根

使爾仙道成

故氣隨日消

神風起崑崙

太洞觀玉眞

紫雲繞絳庭

公子授靈符

帝一俯仰存

謝此帝穢途

八道自然分

羽蓋殊翩翩

羽駕適九清

錫告華天英

瓊文燦靈篇

第二色界魔王之章

眇眇高虛

瓊闕巍巍

元始靈章

普教仙賢

下極綱維

上極諸天

无量之與

皆同我身

如何邪穢

亂我胎根

血屍沉骸

陰魄拘魂

寶山化銷

何能獨存

玄受靈符

致身帝前

此時樂兮

面返玉嬰

赤明既往

猶能別真

我界輕染

故錫寶文

除蕩氛累

召集百靈

鍊胎飛仙

授命玉宸

淨穢凌空

上爲帝賓

道藏輯要

度人妙經

三

角集五

第三無色界魔王歌曰

骨有太空

中蟠古戶

故氣紛紛

凋爾靈芝

胞戶翳塞

欲華四披

血沉奇理

穢絕元機

我位上王

統御羣靈

左持玉符

右呼天兵

疊積胎根

擲以流鈴

使命永延

萬姦消催

三十九真

赤書開光

生道妙玄

服此天章

千試無前

我道其昌

洞空洞无

洞真洞仙

飛神玉霞

泝車碧煙

此三界之上飛空之中魔王歌音音參洞章誦之百遍胎根清
正名度南宮誦之千遍永斷邪穢魔王保迎萬遍道備飛昇太
空過度三界位登仙公有聞靈音魔王敬形勅制地祇侍衛送
迎拔出地尸五苦八難七祖升遷永離鬼官鍊度朱陵受鍊更
生是謂无量普度无窮有祕上天文諸天共所崇泄慢墮地獄
禍及七祖翁

道言此二章並是諸天上帝及至靈魔王隱祕之音皆是大梵
之言非世上常辭言无韻麗曲無華宛故謂玄奧難可尋詳上
天所寶祕於玄都紫微上宮依玄科四萬劫一傳若有主人齋
金寶質心依舊格告盟十天然後而付焉

道藏輯要

度人妙經

古

角集五
卷八

道言生民宿無至緣識託業化胎命凡頑生根不真朽蝕腐敗
以道化鍊妙感通神邪魅穢沫害靈節中隨結不開致冥爽來
舍三真退席上學同氣皆當齊心修齋六時行香十遍誦經福
德立降消諸不祥无量之文普度无窮

道言夫末學道淺或仙品未充運應滅度身經太陰臨過之時
同學至人爲其行香誦經十過以度屍形如法胎根淨固魂臺
四明邪穢斷除仙聖爲鄰魂神徑上南宮隨其學功計日而得
更生轉輪不惑便得神仙

道言夫生體不固每有疾傷胎穢攻蝕面焦髮素孕育不成嗣
系天折起居億劣道悉斷息三屍鼓動致兆死傷皆當修齋行

香誦經夫齋戒誦經功德甚重上可生化胎根保身得道下除
邪穢以度兆民生死受賴其福難勝故曰无量普度天人
道言凡有是經能爲師友兆身民人行是功德有災之日發心
修齋燒香誦經十過皆生化胎根斷除邪穢石別至人尅得爲
聖君金闕之臣諸天記人功過毫分无失天中魔王亦保舉爾
身得道者乃當洞明至言也

諸天中大梵隱語无量音 道君譔

元始靈書中篇

東方八天

眞庭獻莊 混壁卷常 月離珉施

道藏輯要

度人妙經

圭 角集五

几葉洞梁 峽車錫磬 休留忘襄

馬焉胡旗 震正允臧 道密意綿

玄圖洞桓 兆寂孔幽 夷邈眇聞

旨在交應 駢貫感番 流淇溫靜

空觀无還

南方八天

素氣徊豫 華跡采滋 延醜戮暑

英照淵昆 竭帝遂京 玉倉璉瓊

霞枚雲施 子丹雲征 秀珠蔚華

南韓肆駢 宇聽幽貴 天機監元

綸極太冥

亢孤攝煙

龍運祕標

默目返緣

西方八天

欽悲觸荄

仁澤流涓

槁梗昭炫

靈化杳傳

混浩莽都

景驥飛旋

長古轉臺

運逸孔堅

便穴液持

激靈龍鰓

偃驅神虛

相主八關

演坑襲迢

部鄒球奚

胎居消晶

玉津明微

北方八天

道藏輯要

度人妙經

去

角集五

鬼适啖茹

辛牢薏錮

勅校九天

省錄韓注

希恍罔覩

覺超意龍

昇祕翔周

神虎萬仞

洛歌嘯宛

叩鳴和澗

問絕溢酬

化樞既辨

陀仙浮闐

嵩漾林縣

寶屈體光

梵布于鍊

道言此諸天中大梵隱語无量之音舊文字皆廣長一丈欲生
化胎根斷除邪穢卽布丹書石上坐誦洞文則屍賊伏匿雀陰
號怖踞驕喪睛姑俞竄隱天素佩身百靈朝謁檄統萬神天真
皇人昔書其文以爲正音有知其音能齋而誦之者諸天皆遣

飛天神王下觀其身書其功勤上奏諸天萬神朝禮地祇侍門
大勳魔王保舉上真道備尅得遊行三界升入金門此音无所
不辟无所不禳无所不度无所不成天真自然之音也故誦之
致飛天下觀上帝遙唱萬神朝禮三界侍軒羣祿束首鬼精自
亡琳瑯振響十方肅清河海靜默山嶽吞煙萬靈振伏招集羣
仙天無氛穢地無祆塵冥慧洞清大量之也

道藏輯要

度人妙經

七

角集五

181